



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Općinska izborna komisija

01-29/26
25.08.2026

Na osnovu člana 2.13 Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 20. Pravilnika o formi, sadržaju, upotrebi i izradi izvoda iz Centralnog biračkog spiska („Službeni glasnik BiH“, br. 32/26 i 56/26), Općinska izborna komisija Tešanj objavljuje ;

JAVNI POZIV

biračima koji su zbog starosti, bolesti ili invaliditeta vezani za svoje domove za prijavu za glasanje putem mobilnog tima. Općinska izborna komisija Tešanj obavještava građane Općine Tešanj da je u toku provođenje aktivnosti evidentiranja birača koji su zbog starosti, bolesti ili invaliditeta vezani za svoje domove, a u cilju omogućavanja tim biračima da na Općim izborima, koji će se održati 04.10.2026. godine, ostvare biračko pravo putem mobilnog tima.

Radi ostvarivanja prava na glasanje putem mobilnog tima, potrebno je da se navedena prijave neposredno Općinskoj izornoj komisiji Tešanj, najkasnije do 03.09.2026. godine.

Za evidentiranje birača potrebno je dostaviti sljedeće podatke:

- ime i prezime birača;
- ime jednog roditelja;
- JMB;
- tačnu adresu prebivališta, odnosno boravišta;
- kontakt telefon;
- medicinsku dokumentaciju o bolesti ili invalidnosti birača, kao dokaz da birač nije u mogućnosti pristupiti redovnom biračkom mjestu.

Općinska izborna komisija Tešanj će, u skladu sa propisanom procedurom, blagovremeno organizovati obilazak prijavljenih birača radi utvrđivanja njihovog statusa, pribavljanja potpisane izjave birača da želi glasati u svom domu putem mobilnog tima, te kopiranja odgovarajuće medicinske dokumentacije.

Pravo na glasanje putem mobilnog tima mogu ostvariti samo birači čiji podaci budu blagovremeno evidentirani i uneseni u odgovarajuću aplikaciju Centralne izborne komisije Bosne i Hercegovine.

Općinska izborna komisija Tešanj, u skladu sa članom 20. Pravilnika o formi, sadržaju i upotrebi izvoda iz Centralnog biračkog spiska („Službeni glasnik BiH“, broj 32/26 i 56/26), poziva i ustanove koje na području Općine Tešanj pružaju usluge brige za stara i iznemogla lica, ustanove socijalnog staranja, kao i druge zdravstvene ustanove i ustanove sličnog karaktera, da Općinskoj izornoj komisiji Tešanj dostave podatke o licima koja su vezana za ustanovu, a imaju pravo glasa na predstojećim Općim izborima, radi omogućavanja glasanja putem mobilnog tima.

Podaci za navedena lica dostavljaju se neposredno Općinskoj izornoj komisiji Tešanj najkasnije do 03.09.2026. godine.

Napominjemo da bez svih traženih podataka i potrebne dokumentacije Općinska izborna komisija Tešanj neće biti u mogućnosti izvršiti potrebne provjere i evidentirati birača za glasanje putem mobilnog tima.

S poštovanjem,

OPĆINSKA IZBORNA KOMISIJA TEŠANJ
PREDSJEDNIK OIK
Bećir Halilović, s.r.



Dostavljeno:

1. Web stranica Općine Tešanj –radi objave
2. Opća Bolnica Tešanj
3. Dom zdravlja Tešanj
4. JU Centar za socijalni rad Tešanj
5. Savjeti/vijeća mjesnih zajednica na području općine Tešanj
6. SIRA DOM
7. a/a.